



সংবাদ বিজ্ঞপ্তি

কাঞ্চাই জাতীয় উদ্যান রক্ষার্থে যুক্তরাষ্ট্র স্থানীয় জনগোষ্ঠীর সঙ্গে অংশীদারিত্ব করলো

কাঞ্চাই জাতীয় উদ্যান, ৯ই সেপ্টেম্বর -- যুক্তরাষ্ট্রের বৈশ্বিক নারী বিষয়ক অ্যাসামেডর-অ্যাট-লার্জ মেলঅ্যান ভারতিয়ের ও বাংলাদেশে যুক্তরাষ্ট্রের রাষ্ট্রদূত ড্যান মজীনা আজ কাঞ্চাই জাতীয় উদ্যান সফর করেন যেখানে তারা যুক্তরাষ্ট্র আন্তর্জাতিক উন্নয়ন সংস্থা অর্ধায়নপুষ্ট “সমন্বিত সংরক্ষিত এলাকা সহ-ব্যবস্থাপনা” (আইপিএসি বা আইপ্যাক) প্রকল্প পরিদর্শন করেন। আইপ্যাক গত তিনি বছরব্যাপী কাঞ্চাই জাতীয় উদ্যানের প্রাকৃতিক সম্পদ সংরক্ষণের লক্ষ্যে স্থানীয় জনগোষ্ঠী ও বাংলাদেশের সরকারের সঙ্গে কাজ করছে। যুক্তরাষ্ট্রের প্রেসিডেন্ট বারাক ওবামার বৈশ্বিক জলবায়ু পরিবর্তন উদ্যোগের অংশ হিসেবে যুক্তরাষ্ট্র ইউএসএআইডি'র মাধ্যমে জলাভূমি ও বনাঞ্চল টেকসইভাবে ব্যবস্থাপনার জন্য স্থানীয় জনগোষ্ঠীর সঙ্গে কাজ করে।

সফরকারী দল উদ্যানের পথ ঘুরে দেখেন এবং স্থানীয় জনগোষ্ঠীর সদস্যদের সঙ্গে প্রাকৃতিক সংরক্ষণ প্রচেষ্টা ও সংরক্ষিত এলাকার ব্যবস্থাপনায় জনগোষ্ঠী ও সরকারের যৌথ উদ্যোগগুলো নিয়ে আলোচনা করেন। সহ-ব্যবস্থাপনা কমিটির সদস্যদের সঙ্গে, একটি গ্রাম্য সংরক্ষণ ফোরাম, সরকারি প্রতিনিধিগণ ও একদল বেতের ঝুঢ়ি প্রস্ততকারী নারীদের সঙ্গেও তারা আলোচনা করেন।

আইপ্যাক এর একটি প্রধান লক্ষ্য স্থানীয় উপজাতি সম্প্রদায়ের জন্য সংরক্ষিত এলাকায় প্রাকৃতিক সম্পদের অটেকসই ব্যবহারের বিকল্প হিসেবে আয়ের সুযোগ সৃষ্টি। যেমন: পরিবেশ বান্ধব নৌকা, পরিবেশ-বান্ধব ভ্রমন গাইড প্রশিক্ষণ, এবং বাঁশের ঝুঢ়ি বোনা, যা প্রত্যক্ষভাবে স্থানীয় সম্প্রদায়ের সদস্যদের উপকৃত করে এবং কাঞ্চাই জাতীয় উদ্যান এর বন সম্পদ এর উপর থেকে নির্ভরশীলতা কমায়।

গত ১৩ বছরব্যাপী যুক্তরাষ্ট্র ইউএসএআইডি'র মাধ্যমে ও বাংলাদেশ সরকার একযোগে নিসর্গ নেটওয়ার্ক সহযোগিতা প্রদান করে চলেছে। নিসর্গ নেটওয়ার্ক সুরক্ষিত বনাঞ্চল ও জলাভূমির সমষ্টি যেগুলো সহ-ব্যবস্থাপনার মাধ্যমে সংরক্ষিত হয়। জৈববৈচিত্র্যতা সংরক্ষণের ক্ষেত্রে ভূমিকা, অধিকার ও দায়িত্ব ভাগাভাগির লক্ষ্যে সহ-ব্যবস্থাপনা সরকারি ও

**EMBASSY OF THE UNITED STATES OF AMERICA
PUBLIC AFFAIRS SECTION**

TEL: 880-2-883-7150-4 FAX: 880-2-9881677, 9885688
E-MAIL: DhakaPA@state.gov WEBSITE: <http://dhaka.usembassy.gov>



USAID | BANGLADESH
FROM THE AMERICAN PEOPLE

জনগোষ্ঠীয় দলগুলোকে একসঙ্গে নিয়ে আসে। এ সকল উদ্যোগের কারণে ২৫টি সংরক্ষিত এলাকার ৬৮০,০০০ হেক্টরের অধিক এলাকার ব্যবস্থাপনা আরো ভালোভাবে করা সম্ভব হচ্ছে।

১৯৭১ সাল থেকে বাংলাদেশের উন্নয়ন সহায়তায় যুক্তরাষ্ট্র সরকার ‘ইউএসএআইডি’র মাধ্যমে ৫শ’ ৮০ কোটিরও বেশী ডলার প্রদান করেছে। শুধু ২০১১ সালেই ‘ইউএসএআইডি’ বাংলাদেশের জনগণের জীবনমান উন্নয়নে ১৮ কোটি ডলারের বেশী প্রদান করেছে। ‘ইউএসএআইডি’ যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও অনুশীলন, খাদ্য নিরাপত্তা ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্নয়ন, এবং অভিযোজন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

=====

ঢাকাত্ত যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বড়ব্য ও সংবাদ বিজ্ঞপ্তির জন্য আমাদের ওয়েবসাইটে <http://dhaka.usembassy.gov> এবং ফেসবুকে www.facebook.com/bangladesh.usembassy চোখ রাখুন।

**EMBASSY OF THE UNITED STATES OF AMERICA
PUBLIC AFFAIRS SECTION**

TEL: 880-2-883-7150-4 FAX: 880-2-9881677, 9885688
E-MAIL: DhakaPA@state.gov WEBSITE: <http://dhaka.usembassy.gov>